

# Am Tage des heiligen Bi- schoffs Martini.

Von trewer Auffwartung aller Diener Christi/  
vnd ihrer Belohnung.

Evangelium Luc. 12. v. 35.

**A**isset ewre Lendē ombgürtet seyn/  
vnd ewre Lichter brennen / vnd  
send gleich den Menschen / die auff  
ihren Herren warten / weñ er auff-  
brechen wird von der Hochzeit /  
auff daß wenn er kommet / vnd an-  
klopffet / sie ihm bald auffthun. Se-  
lig sind die Knechte / die der HErr / so er kommet / wa-  
chend findet. Warlich / ich sage euch / er wird sich auff-  
schürzen / vnd wird sie zu Tische setzen / vnd für ihnen  
gehen / vnd ihnen dienen.

Parascere  
concionis,  
Fideles Ev-  
angelij Do-  
ctores lega-  
tione fungi  
pro Christo

**I**n der andern Epistel an die Corinthier am 5. v.  
20. schreibet S. Paulus: So sind wir nu Botschafften  
an Christus stadt / denn Gott vermahnet durch vns. Ei-  
nen schönen Namen giebet ihm allhie der Apostel / vnd  
neben ihm allen trewen Lehrern / daß er sie nennet Legaten oder Bot-  
schafften. Nu sind aber Botschafften solche Leute / weil sie mit gewisser  
instruction vnd Werbung kommen / die man höret / vnd ihrem an-  
bringen Glauben giebet: Also sollen wir auch die Lehrer vnd Prediger  
hören / ihrem Worte / welches sie aus dem Göttlichen Munde reden /  
glauben vnd folgen. Hebr. 13. v. 16. & 17. Gehorchet ewren Lehrern /  
vnd folget ihnen / den sie wachen vber ewre Seelen / als die da Rechen-  
schafft dafür geben sollen / auff daß sie das mit freuden thun / vnd  
nicht mit seuffzen / denn das ist euch nicht gut. Ein solcher trewer Le-  
gat / Gesandte vnd Bot Gottes ist auch gewesen der fromme vnd fleis-  
sige Bischoff Martinus / welcher der Kirchen Gottes mit lehren vnd  
aussprechen nützlichen sargestanden hat. Welches Namen vnd Gedächt-  
niß heute sarselt. Damit wir aber aus dem Evangelio etwas frucht-  
barliches

barliches